



Pranuar / Dorezuar Punijeno/Proualo Received/Delivery	05.10.2023	3	viti god year
Organ /Njesia Organ /Jedinica Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKPM/SHK	6405/2023		1/4



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.1095/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Malsore Gashi Bajraktari-kryetare, Arben Mehmeti dhe Ardita Haxhnikaj-Demi-anëtarë, me Kaltrina Avdullahi-Prenaj-Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën A.nr.1095/2023 të datës 21.08.2023 të parashtruar nga ankuesi [redacted] me adresë banimi [redacted] kundër Vendimit me numër reference Nr.ref. 300/2023 të datës 20.07.2023 të Njesisë së Burimeve Njerëzore në Ministrinë e Punëve të Jashtme dhe Diasporës, në çështjen juridike "kërkesë nga marrëdhënia e punës", duke vepruar në pajtim me Nenin 6 paragrafin 1 nen paragrafin 1.1, Nenin 16 paragrafi 3 dhe Nenin 18 paragrafin.1 nënparagrafin 1.6 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datën 04.10.2023 mori këtë:

V E N D I M

- I. SHFUQIZOHET Vendimi me numër reference Nr.ref.300/2023 të datës 20.07.2023 të Udhëheqësit të Burimeve Njerëzore në Ministrinë e Punëve të Jashtme dhe Diasporës.
- II. OBLIGOHET Udhëheqësi i Burimeve Njerëzore në Ministrinë e Punëve të Jashtme dhe Diasporës që në afat prej pesëmbëdhjetë (15) ditësh nga dita e pranimit të këtij vendimi, të bëjë rishqyrtimin e lëndës të parashtruar nga ankuesi [redacted]
- III. Këshilli i Pavarur Mbikëqyrës për Shërbimin Civil të Kosovës duhet të njoftohet me shkrim pas ndërmarjes së veprimeve në pajtim me këtë vendim.

A r s y e t i m

Ankuesi [redacted] i punësuar sipas Akt Emërimit me numër AE.Nr.166/2023 të datës 16.03.2023 në pozitën e punës „Zyrtar i Lartë Ligjor” në Departamentin për çështje Ligjore dhe Traktate në Ministrinë e Punëve të Jashtme dhe Diasporës. Më datë 20.07.2023 Udhëheqësi i Njesisë për Menaxhimin e Burimeve Njerëzore ka nxjerrë Vendimin me numër reference Nr.ref.300/2023, përmes së cilit ankuesit i pranohet përvoja e punës prej shtatë (7) vite e dy (2) muaj.

Pas pranimit të Vendimit me numër reference Nr.ref.300/2023 të datës 20.07.2023, ankuesi përmes e-mailit zyrtar ankesa.kpmsheq@rks-gov.net më datë 21.08.2023 ka parashtruar ankesë me numër protokoll 5726/2023 në Këshillin e Pavarur Mbikëqyrës për Shërbimin Civil të Kosovës, me pretendimin ankimor se me Vendimin me numër reference Nr.ref.300/2023 të datës 20.07.2023 nuk i është pranuar përvoja e punës tetë (8) vite e dy (2) muaj por i është pranuar përvoja e punës shtatë (7) vite e dy (2) muaj.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, më datë 28.08.2023 ka proceduar kërkesën për përgjigje në Ministrinë e Punëve të Jashtme dhe Diasporës. Ndërsa Këshilli, me datë 30.08.2023 ka pranuar përgjigjen në ankesë me numër 518/2023 nga kjo e fundit së bashku me shkresat e bashkëngjitura të lëndës.

Kolegji për Shqyrtimin dhe Vendosjen e Ankesave ka administruar këto prova: Ankesën me numër protokoll 5726/2023 të datës 21.08.2023 të parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Vendim me numër Nr.3085 i datës 20.07.2023; Pasqyra e Llogarisë së Trustit për periudhën kohore 26.06.2023 deri më 13.07.2023; Vërtetim i datës 21.02.2023; Kërkesë për përgjigje në ankesë e datës 28.08.2023; Përgjigje në ankesë me numër reference 518/2023 e datës 29.08.2023; Akt Emërim me numër AE. Nr. 166/2023 i datës 16.03.2023; Akt Emërim me numër Nr.42 i datës 17.09.2020; Listë e pagave; Vendim me numër nr.09/48 i datës 21.05.2018; Kontratë e datës 04.10.2006; Certifikatë e datës 26.02.2015; Certifikatë e notave e datës 10.11.2017; Vërtetim i marrëdhënies së punës e datës 10.04.2019; Vendim për sistemim të përhershëm me numër nr.ref.83/2023 i datës 16.03.2023.

Kolegji për Shqyrtimin dhe Vendosjen e Ankesave, pasi që ka shqyrtuar të gjitha shkresat e lëndës të parashtruara nga palët në procedurë, ka konstatuar se ekziston baza ligjore që lënda të kthehet në *rishqyrtim*, sepse:

Nga administrimi i provave materiale të lëndës rrjedhë se ankuesi është i punësuar sipas Akt Emërimit me numër AE. Nr. 166/2023 të datës 16.03.2023 në pozitën e punës „Zyrtar i Lartë Ligjor “në Ministrinë e Punëve të Jashtme dhe Diasporës.

Ankuesi në ankesën e parashtruar në Këshillin e Pavarur Mbikëqyrës për Shërbimin Civil të Kosovës, ka kërkuar që ti njihet përvoja e punës prej tetë (8) vite e dy (2) muaj, sepse me Vendimin e lartë cekur i është njohur vetëm shtatë (7) vite e dy (2) muaj përvojë pune duke mos i'a njohur përvojën e punës për periudhën kohore tetor 2018 dhe nëntor 2019 kur ankuesi ka qenë Drejtor i Bordit të Përkohshëm të Ndërmarrjes së Re Energjetike, të cilën e dëshmon edhe me Pasqyrën e Llogarisë së Trustit Pensional për periudhën kohore 26.06.2023 deri më 13.07.2023.

Kolegji i Këshillit, lidhur me këtë çështje juridike-administrative, i'u referua nenit 6 të Rregullores (QRK) Nr.05/2023 për Pagën Bazë dhe Përvojën e Punës për të Punësuarit në Sektorin Publik, Neni 6 Llogaritja dhe dëshmimi i përvojës së punës 1. *Përvoja e punës llogaritet mbi pagën bazë, në masën: 1.1. zero pikë njëzetë e pesë për qind, (0.25%) për çdo vit të plotë pune, deri në pesëmbëdhjetë vite (15) punë; dhe 1.2. zero pikë pesë për qind (0.5%) për çdo vit të plotë pune, mbi pesëmbëdhjetë vite (15) punë. 2. Përvoja e punës dëshmohet përmes njëres prej dëshmive si vijon: 2.1.përpara qershorit 1999: 2.1.1.dëshmive të ofruara nga njësia përkatëse e pensioneve në ministrinë përgjegjëse për fushën e*



pensioneve; 2.1.2.librezës së punës me numrin amëz të të siguruarit (të kompletuar); 2.1.3.dëshmisë që vërteton se i ka paguar kontributet ai dhe/ose punëdhënësi ku ka punuar, dëshmi të cilat detyrimisht do të verifikohen nga zyrtarët e njësisë përkatëse të pensioneve në ministrinë përgjegjëse për fushën e pensioneve, sipas dispozitave të aplikueshme nga sigurimi pensional dhe invalidor i Kosovës deri në vitin 1989, 2.1.4.regjistrit të pagave; 2.1.5.kartelës së pagave; 2.1.6.vendimit apo kontrata për themelimin e marrëdhënies së punës; 2.1.7.formularit për paraqitje në sigurim dhe ndërprerje të sigurimit (ML,M-2); 2.1.8.vendimit për pagën, rritje dhe harmonizim; 2.1.9.vendimit për pushimin vjetor; 2.1.10. vendimit për ndërprerjen e marrëdhënies së punës; 2.1.11. vendimit në origjinal të ish Bashkësisë Vetëqeverisëse të Interesit (BVI) së punësimit e në të cilin janë të shënuara të dhënat për stazhin e punës; 2.1.12. vërtetimit nga Agjencia Kosovare për Privatizim, për stazhin e punës në ndërmarrjet shoqërore; 2.1.13. dëshmisë-çertifikatës për pagesën e kontributeve të lëshuara nga organi kompetent komunal në rastin e zeztarëve privat; 2.1.14. vërtetimit të lëshuar në origjinal nga kompania private me vulë dhe nënshkrim, të shoqëruar me një deklaratë nën betim. 2.2. pas qershorit 1999: 2.2.1. dëshminë mbi përvojën e punës të lëshuar nga njësi kompetente për menaxhimin e personelit në Institucionet e Republikës së Kosovës ose nga misioni i Kombeve të Bashkuara në Kosovë; 2.2.2. dëshminë mbi përvojën e punës të lëshuar nga ndërmarrjet publike ose nga ndërmarrjet shoqërore të cilat kanë qenë ose janë nën administrimin e Agjencisë Kosovare për Privatizim; 2.2.3. dëshminë për kryerjen e obligimeve mbi të ardhurat personale për punëtorin; 2.2.4. dëshminë mbi pagesën e kontributeve pensionale pranë organit kompetent; 2.2.5. dëshmisë së përkthyer mbi përvojën e punës së lëshuar nga organi kompetent i një shteti të huaj në të cilin punëtori ka punuar; 2.2.6. çdo dëshmie tjetër të vërtetuar në procedurë gjyqësore përmes aktgjykimit të plotfuqishëm; 2.2.7. dëshmi tjetër plotësuere mund të konsiderohet edhe lista e pagave. 3. Njësia përgjegjëse për burime njerëzore në çdo institucion, në pajtim me këtë rregullore, vendosë për njohjen e përvojës së punës së një nëpunësi i cili merr pagë nga buxheti i Kosovës. Vendimi i përvojës së punës bëhet pjesë e dosjes së personelit për secilin i punësuar dhe ruhet sipas legjislacionit në fuqi. 4. Të punësuarit aktual në sektorin publik të cilët e kanë të evidentuar përvojën e punës, nuk i nënshtrohen zbatimit të paragrafit 3 të këtij neni. Rrjedhimisht Kolegji i Këshillit, gjatë administrimit të provave të lëndës ka gjetur se ankuesi me rastin e parashtrimit të ankesës me numër të protokollit 5726/2023 për njohjen e përvojës së punës për muajin Tetor 2018 dhe Nëntor 2019 ka paraqitur këto dëshmi: Pasqyrën e Llogarisë së Trustit Pensional për Periudhën kohore 26.06.2009 deri më 13.07.2023; Vërtetimin e datës 21.02.2023 të Ndërmarrjes së re Energjetike të Kosovës; Vendimin me numër Nr.09/48 i datës 21.05.2018.

Kolegji i Këshillit në funksion të shqyrtimit të themelësisë së pretendimeve ankimore ka analizuar Vendimit me numër reference Nr.ref.300/2023 të datës 20.07.2023të Udhëheqësit të Njesisë për Menaxhimin e Burimeve Njerëzore të Ministrisë së Punëve të Jashtme dhe Diasporës, dhe si rrjedhojë ka konstatuar së i njëjti bazohet në vërtetim jo të drejtë të gjendjes faktike dhe zbatim jo të drejtë të dispozitave materiale sepse ankuesi i me qellim të njohës se përvojës se punës ka dorëzuar Vërtetimin e lëshuar nga Kryeshefi Ekzekutiv i Ndërmarrjes se Re Energjetike te Kosovës (NKEC) si dëshmi se që nga muaji tetor 2018 deri ne tetor 2019 ka qenë Anëtar i Bordit të përkohshëm të Ndërmarrjes së Re Energjetike të Kosovës, andaj ky i fundit, ka qenë i obliguar që sipas detyrës zyrtare të shqyrtoj dhe të kërkoj dëshmi shtesë lidhur me kohëzgjatjen e marrëdhënies së punës së ankuesit në këtë institucion respektivisht ky obligim rrjedh ashtu siç është përcaktuar me nenin 86 paragrafi 1 të Ligjit Nr. 05/L-031 për procedurën e Përgjithshme Administrative, i cili përcakton se: "Organi publik detyrohet, sipas detyrës zyrtare, të shqyrtojë të gjitha faktet dhe të vlerësojë të gjitha rrethanat e nevojshme për zgjidhjen e çështjes administrative".

Andaj, duke qenë se vendimi i atakuar përmban të meta të tillë të cilat pamundësojnë vendosjen meritore lidhur me këtë çështje administrative, Kolegji i Këshillit vlerëson që lënda të kthehet në rishqyrtim dhe rivendosje tek Udhëheqësi i Njësisë së Burimeve Njerëzore në Ministrinë e Punëve të Jashtme me detyrimin që i njëjti të rishqyrtoj kërkesën e ankuesit, nëse është e nevojshme të kërkoj prova tjera shtesë nga ankuesi respektivisht të kërkoj dëshmi për kryerjen e obligimeve mbi të ardhurat personale për punëtorin ose dëshminë mbi pagesën e kontributeve pensionale pranë organit kompetent, në mënyrë që të vërtetohet saktë dhe drejtë gjendja lidhur me përvojën e punës së ankuesit dhe të nxjerrë vendim në pajtim me legjislacionin në fuqi dhe në mbështetje të fakteve të vërtetuara në mënyrë të plotë dhe drejtë.

Theksuar si me sipër, Kolegji i Këshillit duke bazuar në nenin 18 paragrafi 1 nën paragrafi 1.6 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij vendimi.

Vendimi hyn në fuqi ditën e nënshkrimit nga Kryetarja e Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda më numër A.nr.1095/2023

Kaltrina Avdullahi-Prenaj

Zyrtare e Vartë për Bashkëpunim Profesional



Vendimi i dorëzohet:

- Ankuesit
- Sekretarit të Përgjithshëm në Ministrinë e Punëve të Jashtme dhe Diasporës;
- Udhëheqësit të Personelit në Ministrinë e Punëve të Jashtme dhe Diasporës; dhe
- Arkivit të KPMShCK-së